



euskalmendizale**federazioa**

FEDERACION VASCA DE MONTAÑA  
BASQUE MOUNTAINEERING FEDERATION

## FEDERAZIOAREN LIZENTZIEN

### ARAUDIA

**2019KO URRIAREN 26AN ONARTUA, EUSKAL  
MENDIZALE FEDERAZIOAREN BATZARREAN**

**FEDERAZIOAREN LIZENTZIEN ARAUDIA**  
**EUSKAL MENDIZALE FEDERAZIOA - FEDERACIÓN VASCA DE MONTAÑA**



**Lehen xedapena.** - Honako araudi honek urtarrilaren 31ko 16/2006 Dekretuak, Euskadiko Kirol Federazioenak, 24.2 artikuluan jasotzen duenaren arau-garapena adierazten du, eta, beraz, adierazitako lege-agindu hori betetzeko xedez, Euskal Mendizale Federazioak (aurrerantzean, EMF) federazio-lizentziei dagokien agiri-, kirol- eta ekonomia-araubidea zehaztu du araudi honetan.

**Bigarren xedapena.** - Honako araudi honekin bat etorrira:

- 14/1998 Legea, ekainaren 11koa, Euskadiko kirolarena.
- 16/2006 Dekretua, urtarrilaren 31koa, Euskadiko kirol-federazioen eraketa eta funtzionamendua arautzen duena.
- EMFren estatutuak.

Federazio-lizentzien eta aisialdi-txartelen araudi hau promulgatu du EMFk, estamentu guztietan federazio-lizentziak eta aisialdi-txartelak izapidetzea eta jaulkitzea arautzeko.

Bi atal ditu honako araudi honek:

- Lehenengo atalean, oro har, 12 urtetik gorako kirolari guztiei dagozkien federazio-lizentziak hartuko dira aintzat.
- Bigarrena 12 urte artekoei dagokie, eta horientzat, aisialdi-txartela arautu da; txartel horrek ez du bide emango inongo lehiaketatan parte hartzeko.

Berariaz honako araudi honetan jasotzen ez diren federazio-lizentzien eta aisialdi-txartelen inguruko gai oro adierazitako araudiaren arabera ebatziko da.

*Handwritten signature in blue ink, possibly reading 'Lehen Xedapena'.*

**FEDERAZIOAREN LIZENTZIEN ARAUDIA**  
**EUSKAL MENDIZALE FEDERAZIOA - FEDERACIÓN VASCA DE MONTAÑA**



**1. artikulua.- Federazio-lizentzien izaera eta ondorioak**

**1.1.-** Federazio-lizentzia agiri pertsonala eta besterenezina da, eta haren titularrari EMFko kide izaera ematen dio; lehiaketa ofizialetan eta hortik gorako eremukoetan parte hartzeko gaitzen du, betiere, lehiaketa bakoitza zuzentzen duen araudiarekin bat etorrita.

**1.2.-** Federazio-lizentzia bakarra da, eta, horren bidez, titularra EMFri eta dagokion lurralde-federazioari atxikita egongo da.

**1.3.-** Pertsona fisikoak eta juridikoak EMFko kide eta dagokion lurralde-federazioko kide egiteko bidea federazio-lizentzia ematea izango da.

**2. artikulua.- Federazio-lizentziak izapidetzeko eta emateko prozedura**

**2.1.-** Kirol-lizentziak EMFk emango ditu, kasu guztietan.

**2.2.-** Lurralde-federazioak dira federazio-lizentziak izapidetzeko ardura duten erakundeak, eta haiek bideratuko dituzte beren lurralde-eremuko klubetatik jasotzen dituzten eskariak; horretarako, honako gaitasun eta eskumen hauek izango dituzte:

a) Beren lurralde-eremuko klubei argibideak ematea federatzeko bete beharreko eskakizunez eta federazio-lizentzia baten titularra izateak dituen eraginez.

b) Federazioko kide egiteko beharrezkoak diren agiriak eta datuak jasotzea.

c) Lizentzien zenbateko osoa kobratzea, eta zenbateko hori likidatzea EMFri.

Lurralde-federazioek sortak osatuko dituzte, beren lurralde-eremuko klubek igorritako eskariekin; eta EMFri igorriko zaizkio horiek, adostutako bidea erabiliz horretarako.

Urtarrilaren 31ko 16/2006 Dekretuak, Euskadiko Kirol Federazioenak, 12. artikuluan xedatutakoarekin bat etorrita, lurralde-federazioek klub berrien sarbidea izapidetu beharko dute, eta, horretarako, eskaria egiten duen klubak halakoen sarrera onartzeko edo ukatzeko legeak eskatzen dituen baldintzak betetzen dituen aztertu eta egiaztatu beharko dute.



**FEDERAZIOAREN LIZENTZIEN ARAUDIA**  
**EUSKAL MENDIZALE FEDERAZIOA - FEDERACIÓN VASCA DE MONTAÑA**



**2.3-** Izena emateko, hedatzeko edo kopiak egiteko eskariak, nahitaez, klub baten bidez egin behar dira, mendizalea kide duen klubaren bidez; eta hura izango da lurralde-federazioari emandako datuen egiazkotasunaren arduraduna.

- Ez dira onartuko zuzenean klub baten bitartekotzarik gabe mendizale batek egin ditzakeen eskariak.
- Ez zaizkie federatuei zuzenean helaraziko federazio-txartelak; aitzitik, klubari dagokio funtzio hori, ezinbesteko kasuetan ez bada, eta, halakoetan, klubaren lehendakariak edo gai horren ardura duen pertsonak behar bezala justifikatuko beharko du egoera, eta aurrez adierazi beharko dio klubak lurralde-federazioari; interesdunak NANA aurkeztu beharko du gainera.
- Klubek ez dituzte federazioan altak izapidetuko, aurrez bazkideek onartu ez badute edo eskaria egin ez badute.

**2.4.-** Lurralde-federazio batek EMFra lizentzia-eskarien sorta bat bidaltzen duenean, honako agiri hauek bidaliko ditu:

- Federatuko den pertsonari buruzko xehetasunak, beharrezkoak diren datu guztiekin.
- Likidazio ekonomikoa eta ordainagiria. (Diru-sarrerari dagokion kontzeptuan, klubaren izenak agertu behar du nahitaez, zuzen identifikatu ahal izateko).

Ez da aurrez ordaindu ez den sortarik izapidetuko inoiz; ez da onartuko, ezta ere, ordainketa eskudirutan edo banku-txeke bidez egitea, lurralde-federazioak besterik adierazten duenean izan ezik.

**2.5.-** Aste Santuko oporrak, abuztua eta lan-egutegian (Eusko Jaurlaritzarena nahiz hiru lurralde historikoena) adierazitako jaiegunetan izan ezik -denboraldi eta egun horietan EMF itxita egongo da-, urte guztian zehar izapidetu daitezke lizentziak; horregatik, kide diren klub guztiak behartuta daude, estatutuen bidez, beren bazkideek egiten dizkieten eskari guztiak izapidetzera, mugaegunik jarri gabe; salbuespen dira klub batek oporraldia dela-eta edo ezinbesteko arrazoiren batengatik itxita egingo dituen denboraldien kasuak.

Dena den, bazkideari argibideak eman behar dizkio klubak bere lizentzia-eskaria izapidetuko den datari buruz, eta eskaria lurralde-federazioara bideratu arte ez duela aseguruia izango jakinaraziko dio.



### **2.6.- Eskuz izapidetzeko sistema**

a. Izapideak eskuzko sistemaren bidez egitea erabakitzen duten klubek halaxe jakinarazi beharko diote aurrez dagokien lurralde-federazioari.

b. Xehetasunei eta sorten likidazioari buruzko inprimakiak (altak, hedapenak eta kopiak) lurralde-federazioek emandakoak izan behar dute. Letra larriz bete behar dira inprimaki horiek, eta klubaren zigilua izan behar dute. Klubak bi aletan aurkeztu behar ditu inprimakiak, lurralde-federazioak eskariaren kopia zigiluz jota itzul diezaion eskaria aurkeztu duenari.

c. Eskuz izapidetutako altagatik edo hedapenagatik, tasa bat aplikatu dezake lurralde-federazioak, programa informatikoan datuak sartzeak adierazten duen lanaren konpentsazio modura.

### **2.7.- Aldez aurreko osasun azterketa.**

Indarrean den araudiarekin bat etorrita, federazio-lizentzia izapidetzeko, beharrezkoa izango da osasun-azterketaren agiria aurkeztea. Dena den, EMFren Batzar Orokorraren barnean erabakiko da osasun-azterketa hori zer kategoriatan edota modalitatetan eskatuko den, federazio-lizentzia lortzeko baldintza gisa.

### **2.8.- Federatuen bajak.**

Eskaria/sorta lurralde-federaziora bidali ondoren, ez da onartuko horietan adierazitako federatuetako inoren bajarik, ez eta aukeratutako estaldurei dagokienik ere, lizentzia oraindik indarrean ez dagoenean ere ez (hurrengo urterako denboraldirako azaroan eta abenduan izapidetutakoak).

#### **Salbuespenak**

Indarrean mantentzea egoki ez dela uste denez, onartu egingo da federatuen baja kasu hauetan:

- Federatu beharreko pertsona aurrez beste klub batean federatuta egotea.
- Federatu beharreko pertsona aurrez beste mendi-federazio batean federatuta egotea, artekaritza edo bitartekari berak kudeatuta.
- Federatu beharreko pertsona federatuta egotea, beste identifikazio-zenbaki batekin.
- Federatu beharreko pertsona alta izapidetu aurretik hiltzea eta klubak eskaria kudeatu izana, gertakari horren jakitun ez zelako.
- Aurreko kasuetan jasotzen ez diren salbuespenezko egoeretan, behar-beharrezkoa izango da EMFren Zuzendaritza Batzordearen akordioa.

### **2.9.- Klub-aldaketa**

Ez da inola ere onartuko federatuek kluba aldatzea horien lizentzia indarrean dagoenean edota lurralde-federazioan izapidetuta dagoenean.



**FEDERAZIOAREN LIZENTZIEN ARAUDIA**  
**EUSKAL MENDIZALE FEDERAZIOA - FEDERACIÓN VASCA DE MONTAÑA**



**2.10.- Datuen babesia**

Datu pertsonalen babesari buruz indarrean den legea betetzeko, federatu guztiei jakinarazi behar zaie federazioak beren datuei zer xede emango dien eta zertarako erabiliko diren. Batez ere alta eskatzeko unean edota lizentzia berritzerakoan, klubak "lege oharraren" kopia (ikusi 1. eranskina) igorriko dio federatuari, edota irakurtzeko emango zaio.

**3. artikulua.- Izaera arautua**

Lizentziak emateak izaera arautua izango du, eta, beraz, ezin izango da lizentzia ematea ukatu, eskatzaileak lizentzia eskuratzeko beharrezko baldintzak betetzen dituenean.

Lizentziak gehienez ere hilabeteko epean izapidetu eta emango dira edota, hala dagokionean, ukatuko dira, eskaria behar bezala formalizatu eta hurrengo egunetik zenbatzen hasita.

Lizentziak izapidetzea edo ematea espresuki ukatzen dela jakinarazten denean (arrazoiak emanek ukatu beharko da), edota lizentziaren egiaztagiria eskuratzeko ukatzen denean, errekurtsoa jarri ahal izango da, dagokion foru-aldundian edo Eusko Jaurlaritzan, kirolean eskumenak dituen zuzendaritzaren aurrean, zazpi egun naturaleko epean. Horretarako, azaroaren 26ko 30/1992 Legean gora jotzeko errekurtsoetarako ezarritako erregimenari jarraituko zaio.

**4. artikulua.- Federazio-lizentziaren titulartasunetik eratorritako eskubideak**

EMFko estamentuetako kideek honako eskubide hauek izango dituzte gutxienez, izapidetutako federazio-lizentziaren titulartasunetik eratorrita:

- a) Federazioko organoetan ordezkaritza izatea eta haietako kide izatea, aplikagarria den araudiaren arabera ezarritako eran, baldintzetan eta proportzioan.
- b) Federazioak antolaturiko jarduera guztietan parte hartzea, jarduera horiek arautzeko ezarritako arauen arabera.
- c) EMFri eta kide diren lurralde-federazioari buruz eskatutako informazioa jasotzea, indarrean den araudian aurreikusitakoarekin bat etorruta.
- d) Federazioaren organo eskumendunetara jotzea, federazioaren arauak bete daitezela eskatzeko.
- e) Egoki iruditzen zaizkien kontsultak eta erreklamazioak egitea, EMFren arauekin bat etorruta.
- f) Federazio-lizentzia egiaztatzen duen agiria izatea.



**5. artikulua.- Federazio-lizentziaren titulartasunetik eratorritako betebeharrak**

Federazioren estamentuetako kideek honako betebeharrak izango dituzte, EMFren estatutuetan xedatutako betebeharrak gain:

- a) Ezarritako kuotak ordaintzea.
- b) Federazioaren organoetan onartutako erabakiak betetzea, erabaki horiek horretarako eskumena duen organoak baliogabetzen edo bertan behera uzten ez baditu.
- c) Federazioaren helburuak lortzen era aktiboan parte hartzea.
- d) Hala dagokionean, dituzten karguei atxikitako betebeharrak leialki betetzea.
- e) Euskadiko selekzioek eta lurraldeko selekzioek kirol-lehiaketetan parte hartzeko edo horiek prestatzeko egiten dituzten deialdietara joatea.

**6. artikulua.- Federazio-lizentziaren iraupena eta indarraldiaren hasiera**

Federazio-lizentziak denboraldi bakar baterako balio izango du, indarreko urtearen barnean, urtarrilaren lehen abenduaren 31ra.

Hortaz, lizentziaren baliozkotasuna ematen edo gaitzen den unean hasiko da eta, kasu guztietan, urte horretako abenduaren 31n amatu da, lizentzia eman edo gaitu zen eguna edozein izanik ere.

**7. artikulua.- Federazio-lizentzien kategoriak**

Hauek dira federazio-lizentzien kategoriak (\*):

KIROLARIEN KATEGORIA
<b>HAUR KATEGORIA:</b> 12 eta 13 urteko (biak barne) federatuek osatzen dute kategoria hau.
<b>GAZTE KATEGORIA:</b> 14 urtetik 17ra (biak barne) bitarteko federatuek osatzen dute kategoria hau.
<b>HELDUEN KATEGORIA:</b> 18 urtetik 64ra (biak barne) bitarteko federatuek osatzen dute kategoria hau.
<b>HELDU ONURADUNA:</b> HELDU kategoriako kide izateko baldintzak betetzeaz gain etxe berean beste federatu batekin bizi direnek osatzen dute kategoria hau.



FEDERAZIOAREN LIZENTZIEN ARAUDIA  
EUSKAL MENDIZALE FEDERAZIOA - FEDERACIÓN VASCA DE MONTAÑA



65 URTEK GORAKOAK: 65 urtek gorako federatuek osatzen dute kategoria hau.

65 URTEK GORAKO HELDU ONURADUNA: 65 URTEK GORAKO kategoriako kide izateko baldintzak betetzeaz gain, etxe berean beste federatu batekin bizi direnek osatzen dute kategoria hau.

**TEKNIKARIEN KATEGORIA**

HELDUA: EMFk eskatzen dituen baldintzak betez kidego teknikoan parte hartzen duten 18 urteko 64 urtera (biak barne) bitarteko federatuek osatzen dute kategoria hau.

HELDU ONURADUNA: HELDU kategoriako kide izateko eskariak betetzeaz gain etxe berean beste federatu batekin bizi direnek osatzen dute kategoria hau.

65 URTEK GORAKOAK: EMFk eskatzen dituen baldintzak betez kidego teknikoan parte hartzen duten 65 urteko GORAKO federatuek osatzen dute kategoria hau.

65 URTEK GORAKO HELDU ONURADUNA: 65 URTEK GORAKO kategoriako kide izateko baldintzak betetzeaz gain, etxe berean beste federatu batekin bizi direnek osatzen dute kategoria hau.

**EPAILEEN KATEGORIA**

HELDUA: EMFk eskatzen dituen baldintzak betez epaileen kidegoan parte hartzen duten 18 urteko 64 urtera (biak barne) bitarteko federatuek osatzen dute kategoria hau.

HELDU ONURADUNA: HELDU kategoriako kide izateko eskariak betetzeaz gain etxe berean beste federatu batekin bizi direnek osatzen dute kategoria hau.

65 URTEK GORAKOAK: EMFk eskatzen dituen baldintzak betez epaileen kidegoan parte hartzen duten 65 urteko GORAKO federatuek osatzen dute kategoria hau.

65 URTEK GORAKO HELDU ONURADUNA: 65 URTEK GORAKO kategoriako kide izateko baldintzak betetzeaz gain, etxe berean beste federatu batekin bizi direnek osatzen dute kategoria hau.





(\*) Kategorien araberako sailkapenerako, honako irizpide hauek aplikatuko dira:

- HAUR KATEGORIA: 12 urte betetzen dituzten urteko urtarrilaren letik 13 urte betetzen dituzten urteko abenduaren 31ra artekoak.
- GAZTE KATEGORIA: 14 urte betetzen dituzten urteko urtarrilaren letik 17 urte betetzen dituzten urteko abenduaren 31ra artekoak.
- HELDU KATEGORIA: 18 urte betetzen dituzten urteko urtarrilaren letik 64 urte betetzen dituzten urteko abenduaren 31ra artekoak.
- 65 URTETIK GORAKO HELDUEN KATEGORIA: 65 urte betetzen dituzten urteko urtarrilaren letik eta 64 urte betetzen dituzten urteko abenduaren 31tik aurrerakoak.

Batzuek dagozkien foru aldundien (eskola-kirolaren arduradunak diren sailak) administrazio-baimena beharko dute izapidetu ahal izateko, kirolariak eskola-adina duenean, indarrean dagoen araudiaren arabera.

## **8. artikulua.- Federazio-lizentzien kuotak**

EMFren Batzarrak, urtero, federazio-lizentziak izapidetu eta emateko ordaindu beharko diren kuotak zehaztu beharko ditu.

Euskadiko eta lurraldeetako mendi-federazioek lizentzia bakoitzaren zenbateko garbia EMFren Batzar Orokorrek onartutako moduan banatuko dute. Zenbateko garbi hori zenbateko gordinari honako artikuluko honetako 8.1 puntuko a) eta d) letretan zehaztutako zenbatekoak kenduta aterako dena izango da. Lurralde-federazioek edo euskal federazioak jasoko duten zenbatekoa ez da izango inoiz adierazitako zenbateko garbi horren % 35 baino txikiagoa.

EMFk eta mendiko lurralde-federazioek beren federatuengandik kuota boluntario gehigarri bat jaso dezakete, federazio horien zerbitzu eta jarduerak finantzatzeko.

### **8.1.- KUOTAREN BANAKATZEA.**

Lizentziari dagokion kuota ondoren adierazten den eran banakatuko da:

a) Nahitaezko aseguruaren kuota: titularraren osasun-arriskuak estaltzen dituen osasun-laguntzako aseguruaren, erantzukizun zibileko aseguruaren eta heriotzagatiko eta galera anatomiko eta funtzionalagatiko kalte-ordainen aseguruaren kuota, hain zuzen.

b) Euskadiko kirol-federazioaren egitura eta funtzionamendua finantzatzeko kuota.

c) Lurraldeko kirol-federazioaren egitura eta funtzionamendua finantzatzeko kuota.

d) Federazioen eremuaz gaindiko lehiaketa ofizialetan parte hartzeko kuota, hala badagokio.

**FEDERAZIOAREN LIZENTZIEN ARAUDIA**  
**EUSKAL MENDIZALE FEDERAZIOA - FEDERACIÓN VASCA DE MONTAÑA**



**8.2.- ASEGURUEN ETA BESTE ESTALDURA BATZUEN KUOTA.**

Atal honetan, honako estaldura geografiko hauek edukiko ditu aukeran mendizaleak:

- A) ESTATUKO LURRALDEAREN ESTALDURA = OINARRIZKO ESTALDURA
- B) ESTATUKO LURRALDEAREN + PIRINIOEN ESTALDURA  
(FRANTZIAR PIRINIOAK + ANDORRA + PORTUGAL + ATLASA)
- C) ESTATUKO LURRALDEAREN + MUNDUAREN ESTALDURA

Horrez gain, federatuek honako aukera hauek dituzte beren estaldura hedatzeko, eta horiei dagozkien kuotak hasiko den denboraldiko kuoten argitalpenean zehaztuko dira:

1. Espedizioa
2. Eski alpetarra
3. Snowa
4. BTT
5. FEDME lizentzia
6. Pyrenaica; haur, kadete eta gazteei dagozkien lizentzietan da soilik baliagarria aukera hau (helduentzat ezinbestekoa da)

**OHARRA:** balizatutako estazioetan iraupen-eskia egiten duten pertsonak edo igogailu mekanikoak erabiltzen dituztenek alpetar eskiari dagokion aukera hautatua izan behar dute.

**8.3.- HEDADURAK ETA KOPIAK**

**HEDADURAK:** hedadurak izapidetzeagatik (FEDME hedadura, aseguru-hedadura edota beste aukera batzuk), urteko kuoten argitalpenean zehaztutako kopurua kobratuko da.

**KOPIAK:** federazio-txartela berriz ematen denean, urteko kuoten argitalpenean adierazitako zenbatekoa kobratuko da.

**8.4.- EMF izango da aseguru kolektiboak kontratatzeke eskumena duen bakarra, indarreko legediaren arabera beharrezkoak diren arrisku-estaldurak bermatzeko.**

Aseguru kolektibo horien kontratazioak urteko izaera izango du, eta kirol-denboraldi osorako estaldura eskainiko du.

Federazio-lizentzia bakoitzak aseguru bat edo batzuk izango ditu atxikita, eta, gutxienez, ekainaren 4ko 849/1993 Errege Dekretuak, kirol-arloko nahitaezko aseguruaren gutxieneko prestazioak zehazten dituenak, xedatutako estaldurak bermatuko ditu.





Aurreko ataletan adierazitakoaren arabera, EMFk kontratatutako nahitaezko aseguruaren estaldurak berdinak izango dira pertsona fisikoaren federazio-lizentzia guztietarako, kasu bakoitzean dagokion lurralde-federazioa bereizi gabe.

Itundutako poliza guztien zerrenda jarriko du federatuen esku EMFk, bere wegunean argitaratuz, eta horien baldintzen kopia ere emango du, non bermatutako estaldurak eta prestazioak zehaztuko diren. Indarrean den urteko lehen hiruhilekoan argitaratuko da berori.

### **9. artikulua.- Federazio-lizentzien formatua eta edukia**

**9.1.-** Federazio-lizentziaren formatua elebiduna izango da, eta berdintasunez erabiliko dira Euskal Autonomia Erkidegoko bi hizkuntza ofizialak, espainiera eta euskara.

**9.2.-** Federazio-lizentziaren dokumentuaren edukia honako kontzeptu hauek osatuko dute:

1. EMFren identifikazioa, lizentzia ematen duen federazioa den aldetik.
2. Lizentziaren iraupena, urtebetekoa.
3. Lizentziaren titularra den pertsona fisikoaren datu pertsonal guztiak.
4. Lizentziaren titularra den pertsona fisikoa kide duen klubaren datuak.
5. Kategoriaren eta estamentuaren erreferentzia.
6. EMFren lehendakariaren edo hark eskuordetutako pertsonaren sinadura.
7. EMFren zigilua.

Lizentziaren dokumentuan, argi jasoko dira, halaber, kuotaren osagai diren kontzeptu ekonomikoak.

### **10. artikulua- Lizentzien bateragarritasuna**

EMFk emandako lizentzia baten titularra den pertsonak hainbat kirol-modalitateko federazioen lizentziak ere izan ditzakete.

Ez da inola ere onartuko pertsona berak kirol-modalitate bereko, kirol-diziplina bereko eta estamentu bereko lizentzia izatea lurralde historiko batean baino gehiagotan.

FEDERAZIOAREN LIZENTZIEN ARAUDIA  
EUSKAL MENDIZALE FEDERAZIOA - FEDERACIÓN VASCA DE MONTAÑA



**Azken xedapena, lehena.-** Honako araudi honek indargabe utziko du aurretiazkoa eta hemen xedatutakoaren kontrakoa den xedapen oro.

**Azken xedapena, bigarrena.-** Azken xedapena, bigarrena.- Honako agiri honetan biltzen den araudia EMFren Batzar Orokorrak onartzen duenean, Eusko Jaurlaritzaren Kirol Zuzendaritzak onartzen duenean eta Eusko Jaurlaritzaren Kirol Erakundeen Erregistroan inskribatzen denean sartuko da indarrean.

  
Idazkaria

  
Lehendakaria





1. ERANSKINA

IZAERA PERTSONALEKO DATUEN BABESARI BURUZKO LEGE-OHARRA

**FEDERATUARI ZUZENDUTAKO INFORMAZIOA**

- (Mendizale bakoitzari emango zaio informazio honen kopia bat)

Abenduaren 13ko 15/1999 Lege Organikoak, Izaera Pertsonaleko Datuak Babesteari buruzkoak, eta hura garatzeko 679/2016 (EB) Erregelamenduak, apirilaren 27koak, xedatzen dutenarekin bat etorruta, jakinarazi nahi dizugu inprimaki edo euskarri informatiko bidez erregistratutako datuak soilik federazio-lizentziarekin lotutako zerbitzuak emateko xedez erabiliko direla, eta **Euskal Mendizale Federazioa** jabe duen fitxategi informatiko batean gordeko direla; Datuak Babesteko Agentzian inskribatuta dago fitxategi hori. Horrez gain, jakinarazi nahi dizugu, federazioaren araudian xedatutakoa betez, EMFk lizentzia emateko beharrezkoa den dokumentazioa soilik izapidetuko dutela Lurralde Federazioek, klubekin batera; legez dagokien tratamendua emango diete horiei, eta ematerakoan zuten xederako erabiliko dira soilik.

Datuen titularrek datuak eskuratzeko, zuzentzeko, kanporatzeko, aurre egiteko eta ezeztatzeko eskubideak balia ditzakete, eskaera EMFra bidaliz: Errotaburu pasealekua 1, 9.a, 20018 Donostia. Eskari horretan, interesdunaren izena eta abizenak jasoko dira, bai eta jakinarazpenetarako helbidea, nortasun agiri nazionalaren fotokopia edota pasaportearena ere. Ordezkarri baten bidez egiten bada, horren fede ematen duen dokumentu baten bidez egiaztatu beharko da. Zehaztutako xederako beharrezkotzat jotzen dira eskatutako datuak. Datuen tratamenduaren aurka egiten ez bada, ulertuko da isilbidez baimena ematen dela datu horien tratamendurako, bai eta aipatutako erakunde horiei lagatzeko ere.

*José Ramón Alamo*

*[Signature]*